

բան ես ասել, որ եւէ աննպաստ կարծիք ես յայտնել եւ սկսել եւ քեզ նեղել: Դրօշակի մասին նրանք վաղուց տեղեկութիւն ունէին, բայց պահում էին ձեռքի տակ, անհրաժեշտ բոլորին դուրս հանելու համար...

— Ճշմարտութիւնը այն է, — ասում է մի ուրիշը, — որ դու սրճարանում նստում ես բարեկամ մի կոմիսարի հետ: Արդ, պէտք է իմանաս, որ նրանք իրենց մէջ մէկ մէկի միան են ուտում եւ, որովհետեւ թշնամի կոմիսարը իրեն կուսակցական ընկերոջ վնաս չի կարողանում հասցնել, նեղում է քեզ, նրան դժգոհութիւն պատճառելու համար...

Ոչինչ չեմ հասկանում:

Խոհանոցը նորից մնաց բաց...

* * *

— ...

Յուրտերը սկսուել են:

Հովը կատուի իր թաթերով պատուհանների թղթերը քերում է:

Անձրեւ էլ է դալիս: Տանիքը չորս տեղից կաթում է:

Պարրամենտի դրօշակի պատմութիւնը ամենին յայտնի է, բայց այդ մասին ոչ ոք չի խօսում: Վախում են: Փողոցից անցնելու ժամանակ ոմանք նայում են ինձ վերից վար եւ մի բոլոյէ կանգ առնում աչքերիս մէջ: Բարեկամ կուսակցականները չափազանց քաղաքավարի են: Վատ նշան:

Հովը կատուի իր թաթերով պատուհանների թղթերը քերում է:

* * *

Նոյեմբեր. —

Ձեռքը ուղեղների շուրջը սառուց է կապել:

Մտաւորական բարեկամներս, վերից վար կոճկուած վերարկուների տակ, բարոյապէս կծկուել են: Չնչին այդ ջերմութեան մէջ մտքի բոլոր ծիւղերը չորացել են: Ոչ մի կենդանի խօսք, ոչ մի ճառագայթում, ոչ մի յոյս:

Առաջին ձիւնը:

Առաջին այդ ձիւնը միակ լուսաւոր երեւոյթն է առայժմ: Փաթիլ-փաթիլ իջնող ծուէնների տակ կարծես ամէն ինչ աղնուանում է, ծածկուում, շղարչում: Ինչ որ մի մեղմ երաժշտութիւն եւ դիւթիչ մի մեկամաղձոտու-

թիւն քաղաքին միւս աշխարհից են խօսում:

Փողոցներում գրեթէ մարդ չկայ: Հաղուազիւտ անցորդն էլ վրազ շտապում է տուն:

Սիրում եմ այդպէս: Քայլում եմ, գրեթէ ուրախ:

Ի՞նչ լաւ է երբեմն երկու քայլ աւելի հեռուն չտեսնելը: Ձիւնը ուսերիս թեւեր է տալիս՝ թեթեւ եմ: Բարձրանում եմ փողոցի դառնիվերից Արարատեան դաշտը տեսնելու համար: Ոչինչ չի երեւում: Ծուէնները օդի մէջ հէքեաթ են պատմում. կամաց-կամաց, լողալով վայր են իջնում եւ դետնի վրայ թառում:

Ձիւնը անարատութիւն է: Ձիւնը երկնքի աղօթքն է երկրին ուղղուած:

Երեկոն արդէն մօտեցել է: Գրեթէ մութ է: Տեղ տեղ լոյսեր են վառել, եւ քաղաքը նրմանում է աղքատ մի տոնավաճառի:

Գիւղերում օճախները վառուած են: Երախաները ժողովուել են պառու մամի շուրջը եւ ձեռքերը բոցերի դէմ տուել: Մամի գլխի մէջ, դարերի շրթունքների վրայ որոճուած պատմութիւնները ճերմակ ձիւր են նստել եւ ճամբայ ընկել: Իսկ մենք քայլում ենք ցեխերի մէջ: Մամը մեռել է, առանց որ երբեք երեսը տեսած լինեմ: Տանը օճախ չկայ: Երախաները երեւի մտել են վերմակների տակ:

Ու քայլերս քարշ տալով վերադառնում եմ տուն:

Տո՛ւն, ուր ծուէնների ճերմակ ծաղիկները ոչինչ չեն ծածկում, ուր ցուրտը դանակ է սրբել, ուր այնքան տխուր է:

* * *

— ...

Խօսք եւ դործ:

Այսօր Մարգար աղայի սրճարանում, նրկարիչ Ս-ի եւ երգիչ Ն-ի հետ նստած «Մարտակոչ»-ի առաջնորդողն էինք կարգում, ուր ուսերէն լեզուի դործածման կողմնակիցները հակայեղափոխական եւ Գաղակցական էին անուանում եւ հիմնարկութիւնների հայացման անհրաժեշտութիւնը ապացուցանում:

Ճիշդ այդ ժամանակ ներս է մտնում մի միլիցիական, ուսերէն դրուած մի թուղթ է երկարում Մարգար աղային եւ պահանջում, որ ստորագրի: Մարգար աղան յայտարարում